

## Lou me Blasou

---

D'autes cops lous segnous quon gahaben bandière,  
Segnous balents, amics dou dret, amics dou sou,  
Que-s cercaben en l'anne ue debise fière,  
Biu reclam dou lou co, signe de la maysou.

Puch la debise aquere au cla que s'esplandibe  
Sou pourtau, sou drapèu, en biste aus oelhs de tous ;  
E toustem, e tabé, sourrisènte ou 'spauribe,  
L'imadye dou lou sang, aiguille, taure ou crouts.


E you tabé, segnou, prince balent dou rèbe,  
You tabé, tau coume ets, you tabé petit rey,  
Douma, quon lou sourelh sus las tuques se lhèbe  
Que bouy lou me blasou sus la porte dou miey.

Endarrè lous lious, endarrè las aiguilles !  
Que passéyen d'oun soun lou lou cabos matut ;  
You nou soy pas badut enta hica de pillas  
Lous omis, lous castèts : aute qu'ey ma bertut.

Que cànti la Beutat, que cànti la Bictòrie ;  
Enta you lou hasa 'speroat e cleque-arrouy !  
Enta you lou hasa ! qu'enligréye ma borie  
Aqui, douma mayti, sus ma porte qu'ou bouy.

Frayrous, qu'en bam tous dus pous sendès de la bite  
Enemies de l'escu, de la brume e dou mau ;  
Hilhs de la luts, toustem que courrem d'oun perpète  
E toustem que clamam au sourelh immourtau !

*Yulh 1913.*



## Lo men Blason

D'autes còps los senhors quan gahavan bandièra,  
Senhors valents, amics deu dret, amics deu só,  
Que's cercavan en l'amna ua devisa fièra,  
Viu reclam deu lor còr, signe de la maison.

Puish la devisa aquera au clar que s'esplandiva  
Suu portau, suu drapèu, en vista aus oelhs de tots ;  
E tostemps, e tanben, sorrissenta o 'spaurida,  
L'imatge deu lor sang, aguila, taure o crotz.

E jo tanben, senhor, prince valent deu rève,  
Jo tanben, tau com eths, jo tanben petit rei,  
Doman, quan lo sorelh sus las tucas se lhève  
Que voi lo men blason sus la pòrta deu miei.

Endarrèr los lions, endarrèr las aguilas !  
Que passejan d'on son lo lor cabòs matut ;  
Jo non sòi pas vadut entà hicar de pilhas  
Los òmis, los castèths : aute qu'ei ma vertut.

Que canti la Beutat, que canti la Victòria ;  
Entà jo lo hasan 'speroat e cleca-arroi !  
Entà jo lo hasan ! qu'enlugreja ma bòria  
Aqui, doman maitin, sus ma pòrta que'u voi.

Frairons, qu'en vam tots dus peus sendèrs de la vita  
Enemies de l'escur, de la bruma e deu mau ;  
Hilhs de la lutz, tostemps que correm d'on perpita  
E tostemps que clamam au sorelh immortau !

*Julh 1913.*

## Mon Blason

Autrefois, les Seigneurs, lorsqu'ils prenaient étendard,  
Seigneurs vaillants, amis du droit, amis du soleil,  
Recherchaient en leur âme une devise fière,  
Vif écho de leur cœur, signe de la maison.

Puis, la devise choisie clairement s'épanouissait  
Sur le portail, sur le drapeau, en vue, aux yeux de tous ;  
Et toujours, et aussi, souriant ou terrible,  
Le Reflet de leur sang : aigle, taureau ou croix.

Et moi aussi, Seigneur, prince vaillant du rêve,  
Comme eux, moi aussi petit roi,  
Demain, lorsque le soleil sur les côteaux se lèvera  
Je veux voir mon blason sur la porte centrale.

Arrière les lions ! arrière les aigles !  
Qu'ils promènent chez eux leurs têtes puissantes ;  
Moi je ne suis pas né pour jeter bas  
Ni hommes, ni châteaux : autre est ma vocation.

Je chante la Beauté, je chante la Victoire ;  
A moi le Coq éperonné, à la crête rouge !  
Que son chant éclatant illumine mon domaine  
Là-haut, demain matin, sur ma porte je le veux.

Frères, nous allons tous deux par les sentiers de la vie  
Ennemis de la nuit, du brouillard et du mal ;  
Fils de la lumière, toujours nous courons où elle palpite  
Et toujours nous chantons au Soleil immortel !

*Juin 1913.*